

四庫全書

史部

欽定四庫全書

水經注集釋訂譌卷十二

歸安沈炳巽撰

聖水 巨馬水

聖水出上谷

漢上谷郡今為直隸順天保定等府。明一統志聖水即今琉璃河在良鄉縣南四

十里金史作劉李河自房山縣龍泉峪流至霸州入巨馬河

故燕也秦始皇二十三年置上谷郡王隱晉書地道志曰郡在谷之頭故因以上谷名焉王莽改名朔調

也水出郡之西南聖水谷東南流逕大防嶺之東首
山下有石穴東北洞開高廣四五丈入穴轉更崇深
穴中有水者舊傳言昔有沙門釋惠彌者好精物隱
嘗篝火尋之傍水入穴三里有餘穴分為二一穴殊
小西北出不知趣詣一穴西南出入水逕五六日方
還又不測窮深其水夏冷冬溫春秋有白魚出穴數
日而返人有採捕食者美珍常味蓋亦丙穴嘉魚之
流類也是水東北流入聖水聖水又東逕玉石山謂

之玉石口山多珉玉燕石故以玉石名之其水伏流

里餘潛源東出又東頽波瀉澗一丈有餘屈而流也

東過良鄉縣南

今屬順天府

聖水南流歷縣西轉又南逕良鄉縣故城西王莽之

廣陽也有防水注之水出縣西北大防山南而東南

流逕羊頭阜下俗謂之羊頭溪其水又東南流至縣

東入聖水聖水又南與樂水合水出縣西北大防南

山東南流歷縣西而東南流注聖水又東過其縣故

城南又東逕聚聖南蓋藉水而懷稱也又東與挾明

統志挾河在房山縣東南源出中浣谷流至涿州與湖良河合即琉璃河也河合水出良

鄉縣西甘泉原東谷東逕西鄉縣故城北在今涿州西北又名

都鄉王莽之移風也世謂之都鄉城按地理志涿郡

有西鄉縣而無都鄉城蓋世傳之非也又東逕良鄉

城南又東北注聖水世謂之扶活河宋本作挾活河又名之

曰非潔之溝也

又東過長鄉縣北長鄉晉縣本漢陽鄉縣齊以後省入涿郡今為涿州地故城在順天府西

南

聖水自涿縣東與桃水合首受涑水於徐城東南良

鄉西分洹水世謂之南涉溝即杭水也東逕迺縣北

朱本云洹水當作垣水下同杭水當作范水涿之為范陽蓋亦取于此又東逕涿縣故

城下與涿水合世以為涿水又亦謂之桃水出涿縣

故城西南竒溝東八里大坎下數泉同發東逕桃仁

墟北或曰因水以名墟則是桃水也或曰終仁之故

后非桃水也余按地理志桃水上承涑水此水所發

不與志同謂終為是又東北與樂堆泉合水出堆東
東南流注于涿水涿水又東北逕涿縣故城西流注
于桃應劭曰涿郡故燕漢高帝六年置其南有涿水
蓋氏馬闕駟亦言是矣今於涿城南無水以應之所
有唯西南有是水矣應劭又云涿水出上谷涿鹿縣
余按涿水自涿鹿東注濕水濕水東南逕廣陽郡與
涿郡分水漢高祖六年分燕置涿郡涿之為名當受
涿水通稱矣故郡縣氏之但物理潛通所在分發故

在上谷為涿耶水

十三卷注內涿水枝分入匈奴者謂之涿耶水

山川阻濶

並無涘注之理所在受名者皆是經隱顯相關遙情

受用以此推之事或近矣而非所安也桃水又東逕

涿縣故城北王莽更名垣翰晉太始元年改曰范陽

郡今郡理涿縣故城城內東北角有晉康王碑城東

有范陽王司馬墟廟碑桃水又東北與洹水會水上

分涑水於良鄉縣之桃水世謂之北涉溝

南北兩涉溝俱在良

鄉故應劭曰洹水出良鄉東逕垣縣故城北史記音

義曰河間有武垣縣涿有垣縣漢景帝中元三年封

匈奴降王賜為侯國王莽之垣翰亭矣

按漢書地理志垣縣屬河

東郡武垣縣屬涿郡莽曰垣翰亭今云河間有武垣縣涿郡有垣縣恐誤後查後漢書郡國志曰河間原有武垣縣則史記音義從郡國志而言耳但涿郡之垣縣終誤况匈奴降王賜所封垣侯索隱曰縣名屬河東則非涿郡之武垣可知如何可

世謂之頃城非

也又東遼頃亦地名也故有頃上言

此句有為脫字

世名之

頃前河又東洛水注之水上承鳴澤渚渚方一十五里漢武帝元封四年行幸鳴澤者也服虔曰澤名在

迺縣北界即此澤矣西則獨樹水注之出

出上疑
有水字

迺

縣北山東入渚北有甘泉水注之出良鄉西山東南

迺西鄉城西而南注澤渚水又東迺西鄉城南又東

迺垣縣而南入垣水垣水又東迺涿縣北東流注于

桃故應劭曰垣水東入桃閼駟曰至陽鄉注之今按

經脈而不能屈也桃水東入陽鄉東注聖水聖水又

東廣陽水注之水出小廣陽西山東迺廣陽縣故城

北

在今良鄉縣東漢舊縣齊省入
蘭縣今為大興宛平兩縣地

又東福祿水注焉

水出西山東南逕廣陽縣故城南東入廣陽水亂流
東南至陽鄉縣右注聖水聖水又東南逕陽鄉城西
不逕其北矣縣故涿之陽亭也地理風俗志曰涿縣
東五十里有陽鄉亭後分為縣王莽時更名章武即
長鄉縣也按太原地記涿有長鄉而無陽鄉矣聖水
又東逕長興疑當作鄉城南又東逕方城縣故城下疑漏南北等
字方城今為固安縣李牧伐燕取方城是也魏封劉放為侯國
聖水又東左會白祀溝溝水出廣陽縣之婁城東

南流左合婁城水水出平地道泉東南流右注白祀

水亂流東南逕常道城西

在今東安縣西北

故鄉亭也西去

長鄉城四十里魏少帝璜

按魏志三少帝紀燕王宇子高貴鄉公與于甘露三

年封常道鄉公

今云璜未詳

甘露三年所封也又東南入聖水聖

水又東南逕韓城東詩韓奕章曰溥彼韓城燕師所

完王錫韓侯其追其獮奄受北國鄭玄曰周封韓侯

居韓城為侯伯言為獮夷所逼稍稍東遷也王肅曰

今涿郡方城縣有韓侯城世謂寒號非也聖水又東

南流右會清淀水水發西淀東流注隄水謂之劉公口也

又東過安次縣南

今為順天府東安縣故城在縣西北

東入于海

聖水又東逕勃海安次縣故城南中平二年桓帝封

荊州刺史王敏為侯國

中平乃靈帝并號今云桓帝誤

又東南流注

于巨馬河而不達于海也

巨馬河出代郡廣昌縣涑山

今屬山西大同府。明一統志涑水發源廣昌縣東

南流入保定府易

州一名巨馬河

即涑水也有二源俱發涑山東逕廣昌縣故城南王
莽之廣屏魏封樂進為侯國矣涑水又東北逕西射
魚城東南而東北流又逕東射魚城南又屈逕其城
東竹書紀年曰荀瑶伐中山取窮魚之邱窮射字相
類疑即此城也所未詳矣涑水又逕三女亭西又逕
樓亭北左屬白澗溪水有二源合注一川川石皓然
望同積雪故以物色受名其水又東北流謂之石曹
水伏流地下溺

疑作益

則通津委注謂之白澗口涑水

又東北桑谷水注之水南發溪北注涑水涑水又北

逕小醫東又東逕大醫南蓋霍原隱疑漏居字教授處也

徐廣云原隱居廣陽山教授數千人為王浚所召雖

千古世懸猶表二醫之稱既無碑頌竟不知定誰居

也晉書隱逸傳霍原字休明燕國廣陽人也山居積年門徒百數元康末以疇良徵累下州郡以禮發

遣皆不到後王浚稱制謀僭使人問之原不答浚心銜之時有謠曰天子在何許近在豆田中浚以豆為

霍收原斬之涑水又東北歷紫石溪口與紫水合水北出

聖人城北大豆下東南流左會壘碣溪水蓋山崩委

澗積石淪隍故溪澗受其名矣水出東北西南流注
紫石溪水紫石溪水又逕聖人城東又東南右會檐
車水水出檐車硎東南流逕聖人城東南南流注紫
石水又南注于涑水涑水又東南逕榆城南又屈逕
其城東謂之榆城河涑水又南逕藏刀山下層巖壁
立直上干霄遠望崖側有若積刀鏤鏤相比咸悉西
首涑水東逕徐城北出焉世謂之沙溝水又東督亢
溝出焉一水東南流即督亢溝也一水西南出即涑

之故瀆矣水盛則長津弘注水耗則通波潛伏重源
顯於迺縣舊則川矣

東過迺縣北

今為涑水縣
屬保定府

涑水上承故瀆於縣北垂重源再發結為長潭潭廣

百許步長數百步左右翼帶涓流控引疑漏
其字水自成

淵渚長川漫下十一許步東南流迺縣故城東漢景

帝中元三年以封匈奴降王隆強為侯國王莽更名

迺屏也謂之巨馬河亦曰渠水也又東南流

又下四
字疑衍

來本初遣別將崔臣

一作臣

業攻固安不下退還公孫

瓚追擊之於巨馬水死者六七千人即此水也又東南逕范陽縣故城北易水注之

又東南過容城縣北

今屬新安縣

巨馬水又東灑亭溝水注之水上承督亢溝水於迺縣東東南流歷紫淵東余六世祖樂浪府君自涿之先賢鄉爰宅其陰西帶巨川東翼茲水枝流津通纏絡墟圃匪直田魚之瞻可懷信為遊神之勝處也其

水東南流又名之為酈亭溝其水又西南轉歷大利亭南入巨馬水又東逕容城縣故城北又東督亢溝水注之水上承涑水於涑谷引之則長津委注過之則微川輟流水德含和變通在我東南流逕迺縣北又東逕涿縣酈亭樓桑里南即劉備之舊里也又東逕督亢澤澤苞方城縣縣故屬廣陽後隸於涿郡國志曰縣有督亢亭孫暢之述畫有督亢地圖言燕太子丹使荆軻齎入秦秦王殺軻圖亦絕滅地理書

上古聖賢塚地記曰督亢地在涿郡今故安縣南有
督亢陌幽州南界也風俗通曰沆漭也言乎淫淫漭
漭無崖際也沆澤之無水斥鹵之謂也其水自澤枝
分東逕涿縣故城南又東逕漢侍中盧植墓南又東
散為澤渚督亢澤也北屈匯于桃水督亢水又南謂
之白溝水南逕廣陽亭西而合南枝溝溝水西受巨
馬河東出為枝溝又東注白溝白溝又南入于巨馬
河巨馬河又東南逕益昌縣渡澗水右注之水上承

護陂於臨鄉縣故城西東南逕臨鄉南漢封廣陽王

子須

按漢表元帝初元元年封廣陽項王子雲為臨鄉侯今云須誤

為侯國地理風

俗記曰方城南十里有臨鄉城故縣也城南十里

四

疑屬衍文

淀水又東南逕益昌縣故城西南入巨馬水巨

馬水東逕益昌縣故城南漢封廣陽項王子嬰為侯

國王莽之有秩也地理風俗記曰方城縣東八十里

有益昌城故縣也又東八丈溝水注之水出安次縣

東北平地泉東南逕安次城東東南逕泉州縣故城

西

在武清縣東南四十里

又南右合寧池河枯溝溝自安次西

北東逕常道城東安次縣故城西晉司空劉琨所守

以拒石勒也

又東南至泉州縣西南

今為寶坻縣縣等處

東入八丈溝又南

入巨馬河亂流東注也

又東過勃海東平舒縣北

今為順天府大城縣


東入于海

地理志曰涑水東南至容城入于河即濡水也蓋升

宋本以明會矣巨馬水於平舒北南入于寧池而同

作互

歸於海也



水經注集釋訂譌卷十二

欽定四庫全書

史部

水經注集釋訂訛卷十三

四

詳校官監察御史臣周元良

刑部郎中臣許兆椿覆勘

總校官原任中書臣王燕緒

校對官中書臣吳裕德

謄錄監生臣沈瑞麟

欽定四庫全書

水經注集釋訂訛卷十三

歸安沈炳異撰

濕水

濕水出鴈門陰館縣東

今為大同府應州及山陰縣

北過代郡桑乾

縣南

濕水出于濕

一作

頭山一曰治水泉發于山側沿波

歷澗東北流上山逕陰館縣故城西縣故樓煩鄉也

漢志鴈門郡陰館縣樓煩鄉累頭山治水所出東至泉州入海過郡六行千一百里莽曰富代師古曰累

音力追反漢景帝後元三年置王莽更名富臧當作矣魏

天安三年齊平徙其民于縣立平齊郡

按後魏顯祖天安止一年

明年改元皇興置齊郡乃皇興濕水又東北流左會

三年事道元魏人不當有誤

明一統志濕水源出馬邑縣西北洪濤山即桑乾水

桑乾之源也漢書謂之治水水經謂之潦涇水縣西北上下洪源七輪謂之桑乾泉即潦涇水者

也耆老云其水潛承太原汾陽縣北燕京山之大池

池在山原之上世謂之天池方里餘其水澄渟鏡淨

而不流若安定朝那之湫淵也清水流潭皎然冲照

池中嘗無斤草及其風澤

御覽引此作池中曾無片草及其風澤

有淪

輒有小鳥翠色投淵銜出若會稽之耘鳥也

會稽耘鳥詳見

四十卷

其水陽焊不耗陰霖不濫無能測其淵深也古

老相傳言嘗有人乘車于池側忽遇大風飄之于水
有人獲其輪於桑乾泉故知二水潛流通注矣池東
隅阜又有一石池方可五六十步清深鏡潔不異大

宋本作天池

池桑乾水自源東南流右會馬邑川水水出

馬邑西川俗謂之磨川矣蓋狄語言訛馬磨聲相近

故爾其水東逕馬邑縣

馬邑縣今屬大同府及朔州地其故城在朔州東

故

城南干寶搜神記曰昔秦人築城于武周塞內以備

胡城將成而崩數矣有馬走一

疑當作于

地周旋反覆父

老異之因依以築城城乃不崩遂名馬邑或以為代

之馬城也諸記紛競未識所是漢以斯邑封韓王信

按漢書韓王信傳高祖六年以太原郡為韓國徙信以備胡信上書請治馬邑上許之初未嘗以馬邑封

信不知鄴注何據而後為匈奴所圍信遂降之王莽云漢以斯邑封信也

更名之曰章昭其水東流

漏注

桑乾水桑乾水又東

南流水南有故城南

宋本

北臨河又東南右合濕水

亂流枝津南分桑乾水又東左合武周塞水

地理志作武州

在今大同府俗曰合河出武州山西白羊山谿谷中流至府城南十五里東南流注如渾水

水出

故城東南流出山逕日沒城南

日沒城在大同府山陰縣北後魏文帝于

此築二城俗以日沒城為黃昏城早起城為雞鳴城并日中城為三

盖夕陽西頽戎車

所薄之故城也

疑訛當作東

有日中城城東又有早起

城亦曰食時城在黃瓜阜北曲中其水又東流右注

桑乾水桑乾水又東南逕黃瓜阜曲西又屈逕其堆南徐廣曰猗盧廢嫡子曰利孫于黃瓜堆者也又東右合枝津枝津上承桑乾河東南流逕桑乾郡北大魏因水以立郡受厥稱焉又東北左合夏屋山水水南出夏屋山之東溪西北流逕故城北所未詳也又西北入桑乾枝水桑乾枝水又東流津委浪通結兩湖東湖西浦淵潭相接水至清深晨鳧夕鴈泛濫其上黛甲素鱗潛躍其下俯仰池潭意深魚鳥所寡惟

良木耳俗謂之南池池北對注陶縣之故城南故曰
南池也池水又東北注桑乾水為濕水並受通稱矣
濕水又東北逕魏亭西蓋皇魏天賜三年之所經建
也濕水又東北逕白狼堆南魏列祖道武帝于是
遇白狼之瑞故斯阜納稱焉阜上有故宮廟樓榭基
雉尚崇每至鷹隼之秋羽獵之日肆閱清野為昇眺
之逸地矣濕水又東流四十九里東逕巨魏亭北又
東崞川注之

在渾源州東北發源至應州
西安鎮折而流注桑乾河

水南出崞

山縣故城南王莽之崞張也

漢志作崞縣無山字今為大同府渾源州

南面玄岳右背崞山處三山之中故以崞張為名矣

其水又西出山謂之崞口北流逕繁時故城東王莽

之當要也又北逕巨魏亭又北逕劇陽縣故城西王

莽之鄴陽也按十三州志曰在陰館縣東北一百三

里其水又東注于濕水濕水又東逕班縣南如渾水

注之水出涼城旋鴻縣

後魏地形志梁城郡有祖鴻縣注云一本作祇鴻今云旋

鴻未詳

西南五十餘里東流逕故城南北俗謂之獨谷

孤城水亦即名馬東合旋鴻池水

後魏書曰代水出都有旋鴻池

旋鴻縣東山下水積成池北引魚水水出魚溪南流

注池池水吐納川流以成巨沼東西二里南北四里

北對涼州地

宋本作池

之南池池方五十里俗名乞伏袁

池雖隔越山阜鳥道不遠雲霞之間常有

下有脫

西南

流逕旋鴻縣南又合如渾水是總二水之名矣如渾

水又東南流逕水固縣縣以太和中因山堂之目以

氏縣也

後魏地形志代郡有永固縣此云水固當是永字之訛

右會年水

孫克家云

年水當水出平城縣平城縣今為大同府治之西苑外武周塞

北出東轉逕燕昌城南按燕書建興十年慕容垂自

河而還軍敗於參合死者六萬人十一年垂衆北至

參合見積骸如山設策弔之按十六國春秋死者父

兄皆號泣六軍哀慟垂慚憤嘔血因而寢疾焉輿過

平城北四十里疾篤築燕昌城而還即此城也故北

俗謂之老公城也羊水又東注于如渾水明一統志如渾水一

名街河其水兩源合為一歷大同府城東而南流與武州川水會注桑乾河亂流逕方嶺

上有文明太皇太后陵陵之東北有高祖陵二陵之

南有冰

疑作永

固堂堂之四周隅雉列榭階欄檻及扉

戶梁壁椽瓦悉文石也檐前四柱採洛陽之八風谷

黑石為之雕鏤隱起以金銀間雲雉有若錦馬堂之

內外四側結兩石扶帳

疑作跌張

青石屏風以文石為緣

並隱起忠孝之容題刻貞順之名廟前鐫石為碑獸

碑石至冢

冢字訛當從宋本作碑石至佳

左右列柏四周迷禽閣日

院外西側有思遠靈圖圖之西有齋堂南門表二石

闕闕下斬山累結御路下望靈泉宮池皎若圓鏡矣
羊水又東注如渾水又南至靈泉池枝津東南注池
池東西一百步南北二百步池渚舊名白楊泉泉上
出白楊樹因以名焉其猶長楊五柞之流稱矣南面
舊京北背方嶺左右山原亭觀繡峙方湖反景若三
山之倒水下如渾水又南逕北宮下舊宮人作薄所
在四字疑
有訛如渾水又南分為二水一水西出南屈入
此苑中歷諸池沼又南逕虎園東魏太平真君五年

成之以牢虎也季秋之月聖上觀御園上勅虎士効

力于其下事同奔戎生制猛獸

按穆天子傳云有虎在乎葭中七萃之士

高奔戎生捕虎必擒之

即詩所謂袒裼暴虎獻于公所也故魏

有捍虎圖也又經平城西郭內魏太平七年所成也
城周西郭外有郊天壇壇之東側有郊天碑建興四
年立其水南又屈逕平城縣故城南史記曰高帝先
至平城史記音義曰在鴈門即此縣矣王莽之平順
也魏天興二年遷都于此太和十六年破太華安昌

諸殿造太極殿東西堂及朝堂夾建象魏乾元中

疑漏

立陽端門東西二掖門雲龍神虎中華諸門皆飾以

觀閣東堂東接太和殿殿之東階下有一碑太和中

立石是洛陽八風谷之緇石也

朱云自此起至蓋天也九百十三字諸本

俱錯簡在淇水注中今從宋本改正

殿之東北接紫宮寺南對承賢門

門南即皇信堂堂之四周圖古聖忠臣烈士之容刊

題其側是辯章即

朱本作郎

彭城張僧達樂安蔣少遊于

堂南對白臺臺甚高廣臺基四周列壁閣路自內而

升國之圖籙秘籍悉積其下臺西即朱明閣直侍之

官出入所由也其水夾御路南流逕蓬臺西魏神瑞

三年又毀疑建白樓樓甚高竦加觀榭于其上表裏

飾以石粉暘曜建素赭白綺分宋本作粉故世謂之白樓

也後置大鼓于其上晨昏伐以千椎為城里諸門啟

閉之候謂之戒晨鼓也又南逕皇舅寺西是太師黎

昌憑晉國所造黎昌憑晉國當作昌黎馮晉國按後魏書馮熙字晉國文明太后兄也官

定州刺史晉爵昌黎王有五層浮圖其神圖像皆合青石為之

加以金銀火齊衆絲之上煒煒有精光又南逕永寧

七級浮圖西

當從朱本作其

制甚妙工在寡雙又南遠出郊

郭弱柳蔭街絲楊被浦公私引裂用周圍挽

宋本作圍繞

長塘曲池所在布濩故不可得而論也一水南逕白

登山西服虔曰白登臺名也去平城七里如淳曰平

城傍之高城若丘陵矣今平城東十七里有臺即白

登臺也臺南對置阜即白登山也故漢書稱上遂至

平城上白登者也為匈奴所圍處孫暢之述畫曰漢

高祖被圍七日陳平使能畫作美女送與冒頓闕氏
恐冒頓勝漢其寵必衰說冒頓解圍於此矣其水又
逕寧先宮東獻文帝之為太上皇也所居故宮矣宮
之東次下有兩石柱是石虎鄴城東門石橋柱也按
柱勒趙建武中造以其石作工妙徙之于此余為尚

書祠部與宜都王穆罷同拜北郊親所逕見

穆罷當
作穆罷

逕見當作經見按後魏書穆罷襲
兄爵為宜都王尚新平長公主

柱側悉鏤雲矩

一作

炬朱云當
作雲烟

上作蟠螭甚有形勢信為工巧去子丹碑

側遠矣

疑作則但子丹碑又不解上既不
言而此云去此則遠不知何謂

其水又南

逕平城縣故城東司州代尹治皇都洛陽以為恒州
水左有大道壇廟始光二年少室道士寇謙之所議
建也兼諸岳廟碑亦多所署立其廟階五成四周欄
檻上階之上以木為員基令干相枝梧以板切宋本
作砌
其上欄陛承阿上員制如明堂而專室四戶室內有
神坐坐右列玉磬皇輿親降受籙靈壇號曰天師宣
陽道式暫重當時壇之東北舊有靜輪宮魏神麈四

年造抑亦柏梁之流也臺高廣超出雲間欲令上延
霄客下絕囂浮太平真君十一年又毀之物不停固
白登亦繼禡矣水右有三層浮圖真容鷲架悉結石
也裝製麗質亦盡美善也東郭外太和中闍人宕昌

公鉗耳處時

按鉗耳雙姓處時名唐時有鉗耳知命為吾郡長興令見縣志

立祇洹

舍于東罽椽瓦梁棟臺壁櫺陛尊容聖像及牀座軒
帳悉青石也圖制可觀所恨惟列壁合石疎而不密
庭中有祇洹碑題大篆非佳耳然京邑帝里佛法

豐盛神圖妙塔架峙相望法輪東轉茲為上矣其水
自北苑南出歷京城內河干兩渚太和十年累石結
岸夾塘之上雜樹交蔭郭南結兩石橋橫水為梁又
南逕籍田及藥圃西明堂東明堂上圓下方四周十
二戶九堂而不為重隅也室外柱內綺井之下施機
輪飾縹仰象天狀畫北通之宿鳥上下疑
有脫文盖天也朱
云
當云畫北辰列
宿象盖天也每月隨斗所建之辰轉應天道此之
異古也加靈臺于其上下則引水為辟雍水側結石

為塘事準古制是太和中之所經建也如渾水又南與武周川水會水出縣西南山下二源翼導俱發一

山東北流合成一川北流逕武周縣故城西王莽之

桓周也

以上武周字俱當作州桓周亦當作州

又東北右合黃山水西

出黃阜下重

疑作東

北流聖山之水注焉水出西山東

流注于黃水黃水又東注武周川又東歷故亭北右

合火山西溪水水導源火山西北流山上有大井南

北六十七步廣減尺許源深不見底炎勢上升常若

微雷發響以草爨之則煙騰火發東方朔神異傳云

南方有火山焉長四十里廣四五里其中皆生不燼

之木晝夜火然得雨猛風不滅

按神異經云得暴風不猛猛雨不滅

火

中有鼠重百斤毛長二尺餘細如絲色白時時出火

神異經
作出外

以水逐而沃之則死取其毛績以為布謂之

火浣布是山亦其類也但卉物則不能然其山以火

從地中出故亦名榮

當作
榮臺矣

朱本引郡國志云連
渾府遙火山西有火

井炎氣上升常若微電以草爨之烟騰火發故名榮
臺炳異按後漢書郡國志中無所謂連渾府亦無所

謂熒臺不知何據云然惟火井事見于蜀郡臨邛縣
又似與此不合附錄于後博物記曰有火井深二三
丈在縣南百里以竹木投取火後人以火燭投井中
火即滅絕不復然蜀都賦注曰火井欲出其火先以
家火投之須臾許隆隆如雷聲爛然通天
光耀十里以竹筒盛之接其光而無炭也

火井東五
六尺又東有湯井廣輪與火井相狀勢熱又同以草
內之則不然皆沾濡露結故俗以湯井為目井東有
火井祠以時祀祭焉井北百餘步有東西谷廣十許
步南岸下有風穴厥大容人其深不測而穴中肅肅
常有微風雖三伏盛暑猶須襲裘寒吹凌人不可暫

停而其山出雛烏形類雅烏純黑而姣好音與之同

績彩紺發背若丹砂性馴良而易附非童幼子捕而

執之曰

原本漏

赤背烏亦曰阿雛烏按爾雅純黑反哺

謂之慈烏小而腹下白不反哺者謂之雅烏白頭

爾雅

疏作項

而羣飛者謂之燕烏大而白頭者謂之蒼烏爾

雅曰鸞斯卑居也孫爻

當作爻

曰卑居楚鳥捷為舍人

以為壁屋

朱云壁屋字誤當作卑居

說文謂之雅雅楚烏莊子曰

雅賈矣馬融亦曰賈烏者也又按瑞應圖有三足烏

赤烏白鳥之名而無記于此烏故書其異耳自恒山已北並有此矣其水又東北流注武周川水武周川水又東南流水側有石祇洹舍并諸窟室比丘尼所居也其水又東轉逕靈巖南鑿石開山因崖結構其

宋本作真

容巨壯法世所締山堂水殿烟寺相望林淵錦

鏡綴目新眺川水又東南流出山魏土地記曰平城宮西三十里武周塞口者也自山口枝渠東出入苑溉諸園池苑園

宋本作有

洛陽殿殿北有宮館一水自枝

渠南流東南出火山水注之水發火山東溪東北流

出山山有石炭火之熱間

宋本作同

樵炭也又東注武周

川逕平城縣東南流注如渾水又南流逕班氏縣故

城東王莽之班副也闕駟十三州志曰班氏縣在郡

西南百里北俗謂之去留城也如渾水又東南流注

于濕水濕水又東逕北平邑縣故城南趙獻侯十三

年城平邑地理志曰屬代王莽所謂平湖

按漢志當作胡

也

十三州志曰城在高柳南八十里北俗謂之醜寅城

濕水又東逕沙陵南魏金田之地也事同曹武鄴中

定矣濕水東逕猗氏縣故城北

漢志猗氏屬代郡孟康曰猗音權氏音精

王莽更名之曰猗聚也十三州志曰縣有

疑作高柳

南百三十里俗謂之苦力干城矣濕水又東逕道人

縣故城南地理志曰王莽之道仁也地理風俗記曰

初築此城有仙人遊其地故因以為城名矣今城北

有淵潭而不注故俗謂之為平湖也十三州志曰道

人城在高柳東北八十里所未詳也濕水又東逕陽

原縣故城南地理志代郡之屬縣也北俗謂之北舩

州城濕水又東水又東

水又東三字疑衍

陽水注之水出縣

東北澤中北俗謂之太拔迴水水自源東南流注于

濕水又東逕東安陽縣故城北趙惠文王三年封長

子章為代安陽君此即章封邑王莽之競

漢志作竟

安也

地理風俗記曰五原有西安陽故此加東也濕水東

逕昌平縣

今順天府昌平縣本漢軍都縣其故城在今縣治西北二十里

溫水注之

水出南墳下三源俱導合而南流東北逕濕水濕水

又東逕昌平縣故城北王莽之長昌也昔牽招為魏
鮮卑校尉屯此濕水又東北逕桑乾縣故城西又屈
逕其城北王莽更名之曰安德也魏土地記曰代城
北九十里有桑乾城城西渡桑乾水去城十里有温
湯療疾有驗經言出南非也盖悞證矣魏任城王彰
以建安二十三年伐烏丸入涿郡遂北遂至桑乾止

於此也水又東流祁夷水注之

周禮嘔夷之川鄭注云即祁夷水而酈注

云涇水水出平舒縣東逕平舒縣之故城南澤中史
即嘔夷

記趙孝成王十九年以汾門予燕易平舒徐廣曰平舒在代王莽更名之曰平蓀後漢世祖建武七年封陽武將軍馬成為侯國其水控引衆泉以成一川魏土地記曰代城西九十里有平舒城西南五里代水所出東北流言代水非也祁夷水又東北逕蘭亭南又東北逕石門關北舊道出中山故關也又東北流水側有故池按魏土地記曰代城西南三十里有代王魚池池西北有代王臺東去代城四十里祁夷水

又東北得飛狐谷即廣野君所謂杜飛狐之口也蘇
林據酈公之說言在上黨即實非也如淳言在代是

矣晉建興中劉琨自代出飛狐口奔于安次即于此

道也魏土地記曰代城四十里有飛狐門門

兩門字
宋本俱

作水西北流逕南舍亭西又逕句璣亭西西北注祁

夷水祁夷水又東北流逕代城西盧植言初築此城

板幹一夜自移此故代西南五十里大澤中營城自

護結葺為九門于是就以為治城圓匝而不方周四

十七里開九門更名其故城曰東城

搜神記云其城周圍三十五丈

為九門故城處呼之以為東城

趙滅代漢封孝文為代王梅福上事

曰代谷者恒山在其南北塞在其北谷中之地上谷在東代郡在西是其地也王莽更之曰厭狄亭魏土地記曰城內有二泉一源流出城西門一源流出城北門二源皆北注代水祁夷水又東北熱水注之水出綾羅澤澤際有熱水亭其水東北流注祁夷水又東北谷水注之出昌平縣故城南又東北入祁夷祁

夷右會逆水水導源將城東西北流逕將城北在代
城東北一十五里疑卽東代矣而尚傳將城之名盧
植曰此城方就而板幹自移應劭曰城徙西南去故
代五十里故名代曰東城或傳書倒錯情用疑焉而
無以辨之逆水又西注于祁夷之水逆之為名以西
流故也祁夷水東北逕青牛淵水自淵東注之者諺
云有潛龍出于茲浦形類青牛焉故淵潭受名矣潭
深不測而水周多蓮藕生焉祁夷水又北逕一故城

西去代城五十里又疑是代之東城而非所詳也
又逕昌平郡東魏太和中置西南去故城六十里又
北連水入馬水出離脊縣東北流逕離脊縣故城
南又西逕廣昌城南魏土地記曰代南二百里廣
昌城南通大嶺即此非也十三州記曰平舒城東九
十里有廣平城疑是城也尋其名狀忖理為非又西
逕王莽城南又西到刺山水注之水出到刺山西山
甚層峻未有升其巔者魏土地記曰代城東五十里

有到刺山山上有佳大黃也其水北流逕一故城東
城北有石人故世謂之石人城西北注蓮水又北逕
當城縣故城西高祖十二年周勃定代斬陳豨于當
城即此處也應劭曰當桓都山作城故曰當城也又
逕故代東而西北流注祁夷水祁夷水西有隨山山
上有神廟謂之女郎祠方俗所祠也祁夷水又北逕
桑乾故城東而北流注于濕水地理志曰祁夷水出
平舒縣北至桑乾入濕是也濕水又東北逕石山水

口水出南山北流逕空侯城東魏土地記曰代城東北九十里有空侯城也其水又東北流注濕水濕水

又東逕潘城縣北

當作潘縣城北

東合協陽關水水出協溪

魏土地記曰下洛城西南九十里有協陽關關道西通代郡其水東北流歷笄頭山闕駟曰笄頭山在潘城南即是山也又北逕潘縣故城左會潘泉故瀆瀆舊上承潘泉于潘城中或云舜所都也魏土地記曰下洛城西南四十里有潘城城西北三里有歷山

上有虞舜廟十三州記曰廣平城東北一百一十里
有潘縣地理志曰王莽更名樹武其泉從廣十數步
東出城注協陽關水雨盛則通注暘旱則不流惟泝
泉而已關水又東北流注于濕水又東逕雍洛城南
魏土地記曰下洛城西二十里有雍洛城桑乾水在
城南東流者也濕水又東逕下洛縣故城南王莽之
下忠也魏燕州廣甯縣廣甯郡治魏土地記曰去平
城五十里城南二百步有堯廟濕水又東逕高邑亭

北又東逕三臺北濕水又東逕無鄉城北地理風俗
記曰燕語呼亡為無今改宜鄉也濕水又東溫泉水
注之水上承溫泉于橋山下魏土地記曰下洛城東
南四十里有橋山下有溫泉泉上有祭堂雕簷華宇
被于浦上石池吐泉湯湯其下炎涼代序是水灼焉
無改能治百疾是使赴者若流池水北流入于濕水
濕水又東左得于延水口水出塞外柔玄鎮西長川
城南小山山海經曰梁渠之山無草木多金玉循水

出馬

按山海經作脩水出馬今云循古人通用

東南流逕且如縣故城南

應劭曰當城西北四十里有且如城故縣也代稱不
拘名號變改校其城郭相去遠矣地理志曰東部都
尉治于延水出縣北塞外即循水也循水又東南逕
馬城縣故城北地理志曰東部都尉治十三州志曰
馬城在高柳東二百四十里俗謂是水為河頭河頭
出戎方土俗變名耳又東逕零丁城南右合延鄉水
水出縣西山東逕延陵縣故城北地理風俗記曰當

城西北有延陵鄉故縣也俗指謂之琦城川又東逕

羅亭又東逕馬城南又東注脩水又東南于

宋本作流

大

甯郡北右注鴈門水山海經曰鴈門之水出于鴈門

之山鴈出其間在高柳北高柳在代中其山重巒疊

巘霞舉雲高連山隱隱東出遼塞其水東南流逕高

柳縣故城北舊代郡治秦始皇二十三年虜趙王遷

以國為郡王莽之所謂厭狄也建武十九年世祖封

代相堪為侯國昔牽招斬韓忠于此處

事見魏志

城在平

城東南六七十里于伐當作為西北也鴈門水又東

南流屈逕一故城背山面澤北俗謂之叱嶮城鴈門

水又東南流屈而東北積而為潭其陂斜長而不方

東北可二十餘里廣一十五里蒹葭叢生焉敦水注

之其水導源西北少咸之山南麓東流逕參合縣故

城南地理風俗記曰道人城北五十里有參合鄉故

縣也敦水又東澍水注之出東阜下西北流逕故城

北俗謂之和堆城又北合敦水亂流東北注鴈門水

故山海經曰少咸之山敦水出焉東流注于鴈門之
水郭景純曰水出鴈門山謂斯水也鴈門水又東北
入陽門山謂之羊門水與神泉水出葦壁北水有靈
焉及其密雲不雨陽旱愆期多禱請焉水有二流世
謂之比連泉一水東北逕一故城東世謂之石虎城
而東北流注陽門水又東逕三會亭北又東逕西伺
道城北又東託台谷水注之水上承神泉於葦壁北
東逕陽門山南託台谷謂之託台水汲引泉溪澤

上
下

疑有訛
字衍文

澤濤東注行者間一十餘渡東逕三會城南
又東逕託台亭北又東北逕馬頭亭北東北注鴈門
水鴈門水又東逕大甯郡北魏太和中置有脩水注
之即山海經所謂脩水東流注于鴈門水也地理志
有于延水而無鴈門脩水之名山海經有鴈門之目
而無說于延河自下亦通謂之于延水矣水側有桑
林故時人亦謂是水為藁桑河也斯乃北土寡桑至
此見之因以名焉于延水又東逕置成南按史記蔡

澤燕人也謝病歸相秦號置成君疑即澤所邑也世

名武置城

漏于字

延水又東左與寧川水合水出西北

東南流逕小寧縣故城西東南流注于延水又東逕

小甯縣故城南地理志寧縣也西部都尉治王莽之

博康也魏土地記曰大甯城西二十里有小甯城昔

邑人班丘仲居水側賣藥于甯百餘年人以為壽後

地動宅壞仲與里中數十家皆死民人取仲尸棄于

延水中收其藥賣之仲被裘從而詰之北

疑作此

人大

怖叩頭求哀仲曰不恨汝故使人知我耳去矣後為

大

當作夫

餘王驛使來甯北方人謂之謫仙也于延水

又東黑城川水注之水有三源出黑土城西北竒源

合注總為一川東南逕黑土城西又東南流逕大甯

縣西而南入延河延河又東逕大甯縣故城南地理

志云廣甯

漢志作廣寧

也王莽曰廣康矣魏土地記曰下

洛西北百三十里有大甯城于延水又東南逕茹縣

故城北王莽之穀武也世謂之如口城魏土地記曰

城在鳴雞山西十里南通大道西達寧川于延水又
東南逕鳴雞山西魏土地記曰下洛城東北三十里
有延河東流北有鳴雞山史記曰趙襄子殺代王于
夏屋而并其土襄子迎其姊于代其姊代之夫人也
至此曰代已亡矣吾將何歸乎遂磨笄于山而自殺

代人憐之為立祠焉因名其為磨笄山

史記趙世家襄子殺代王

于夏屋遂興兵平代地其姊前為代王夫人聞之泣而呼天摩笄自殺代人憐之所死地名之為磨笄之山

磨笄山在今直隸保安州西北二十里

每夜有野雞羣鳴于祠屋上

故亦謂之為鳴雞山魏土地記云代城東南二十五
里有馬頭山其側有鍾乳穴趙襄子既害代王迎姊
姊代夫人夫人曰以弟慢夫非仁也以夫怨弟非義
也磨笄自刺而死使者自殺民憐之為立神屋于山
側因名之為磨笄山未詳孰是于延水又南逕且居
縣故城南王莽之久居也其水東南流注于濕水地
理志曰于延水東至廣寧入治非矣

按漢志代郡且如縣下于延水

出塞外東至寧入沽師古曰沽音姑今云入治誤廣字亦屬衍文

又東過涿鹿縣北

今為保安州

涿水出涿鹿山

在州城西南九十里涿水出焉

世謂之張公泉東北

流逕涿鹿縣故城南王莽所謂褫陸也黃帝與蚩尤

戰于涿鹿之野留其民于涿鹿之河即于是處

原本漏

也其水又東北與坂泉合其水導源縣之東泉魏土

地記曰下洛城東南六十里有涿鹿城城東一里有

坂泉泉上有黃帝祠晉太康地理記曰坂泉亦地名

也泉水東北流與蚩尤泉會水出蚩尤城城無東

一作

南面魏土地記稱涿鹿城東南六里有蚩尤城泉水淵而不流霖雨併則流注坂泉亂流東北入涿水涿水又東逕平原郡南魏徙平原之民置此故立僑郡以統流離涿水又東北逕祚亭北而東北入濕水亦云涿水枝分入匈奴者謂之涿耶水地理潛顯難以究昭非所知也濕水又東南左會清夷水亦謂之滄河也水出長亭南西逕北城村故城北又西北平鄉川水注之水出平鄉亭西西北流注清夷水清夷水

又西北逕陰莫亭在居庸縣南十里清夷水又西會
牧牛山魏土地記曰沮陽城東八十里有牧牛山下
有九十九泉即滄河之上源也山在縣東北三十里
山上有道武皇帝廟者舊云山下亦有百泉競發有
一神牛駁身自山而降下飲泉竭故山得其名今山
下導九十九泉積以成川西南流國宋本作谷水與浮圖
溝水注之出夷輿縣故城西南王莽以為朔調亭也
其水俱西南流注于滄水又西南右合地裂溝古老

云晉世地裂分此界間成溝壑有小水俗謂之分界
水南流入滄河又西逕居庸縣故城南魏上谷郡治
昔劉虞攻公孫瓚不克北保此城為瓚所擒有粟水
入馬水出縣下城西枕水又屈逕其縣南南注滄河
又西與右陽溝水合水出縣東北西南流逕居庸縣
城北西逕大翻小翻山南高巒截雲層陵斷霧雙阜
共秀競舉羣峯之上郡人王次仲少有異志年及弱
冠變蒼頡舊文為今隸書秦始皇時官務煩多以次

仲所易文簡便于事要奇而名之三徵而輒不至次
仲履真懷道窮數術之美始皇怒其不恭令檻車送
之次仲首發于道化為大鳥出在車外翻飛而去落
二翮于斯山故其峯巒有大翮小翮之名矣魏土地
記曰沮陽城東北六十里有大翮小翮山山上神名
大翮神山屋東有溫湯水口其山在縣西北二十里
峯舉四十里上廟則次仲廟也右出溫湯療治萬病
泉所發之麓俗謂之土亭山此水炎熱倍甚諸湯下

足便爛人體療疾者要須別引消息用之耳不得言

朱本引謝朓申云不得言三字似衍引孫汝澄云不得言者謂不得聲言其熱耳言之則更灼熱矣此亦

臆說終當次翻山東此句疑其水東南流左會陽溝闕疑為是有記誤

水亂流南注滄河滄河又左得清夷水口魏土地記

曰牧牛泉西流與清夷水合者也自下二水互受通

稱矣清夷水又西靈亭城水注之水出馬蘭西澤衆

泉瀉流宋本作溜歸于澤澤水所鍾以成溝瀆瀆水又左

與馬蘭溪水會水導馬蘭城城北負山勢因阿仍溪

民居所給惟仗此水水南流出城東南入澤水澤水
又南逕靈亭北又屈逕靈亭東落次仲烏翮于此故

是亭有靈亭之稱矣其水又南流注于清水清水

兩清

水並當作
清夷水

又西得泉溝水會水導源川南平地北注

清夷水清夷水又西南得桓公泉蓋齊桓公霸世北

伐山戎過孤竹西征束馬縣車上卑耳之西極故水

受斯名也

管子封禪篇桓公曰寡人北伐山戎過孤竹西伐大夏涉流沙束馬懸車上卑耳之

山水源出沮陽縣東而西北流入清夷水清夷水又

西逕沮陽縣故城北秦始皇上谷郡治此王莽改郡

曰朔調縣曰沮陰閼駟曰涿鹿東北至

疑漏谷城六上字

十里魏土地記曰城北有清夷水西流也其水又屈逕其城西南流注于溫水濕水南至馬陘山謂之落馬河

又東南出山

濕水又南入山瀑布飛梁縣河注壑瀟湍十許丈謂之落馬洪抑亦孟門之流也濕水自南出山謂之清

泉河俗亦謂之曰干水非也濕水又東南逕良鄉縣之北界歷梁山南高粱水出焉

過廣陽薊縣北

廣陽今京師薊縣今宛大二縣

濕水又東逕廣陽縣故城北謝承漢書曰世祖與鉞期出薊至廣陽欲南行即此城也謂之小廣陽濕水又東北逕薊縣故城南魏氏土地記曰薊城南七里

有清泉河而不逕其北蓋經誤證矣昔周武王封堯後于薊今城內西北隅有薊丘

在今舊薊縣城西北即古薊門也

西因

丘以名邑也猶魯之曲阜齊之營丘矣武王封召公之故國也秦始皇二十三年滅燕以為廣陽郡漢高帝以封盧綰為燕王更燕國城有萬歲宮光明殿王莽改曰廣公縣曰代成東掖門下舊慕容雋立銅馬象處昔慕容廆有駿馬赭白有奇相逸力至雋光壽元年四十九矣而駿逸不虧雋奇之比鮑氏驄命鑄銅以圖其像親為銘讚鐫頌其傍像成而馬死矣大城東門內道左有魏征南將軍建成鄉景侯劉靖碑

征南當作征北靖薨于鎮北將軍假節督晉司隸校河北諸軍事嘉平六年薨追贈征北將軍

尉王密表功加于民宜在祀典以元嘉四年九月

二十日刊石建碑

元嘉疑作元康蓋晉無元嘉也後十四卷鮑丘水注已作征北元康

則此之誤明矣

揚于後葉矣濕水又東與洗馬溝水合水上

承薊水西注大湖

在今順天府西南二十五里

湖有二源水俱出

縣西北平地道泉流結西湖

在府西北玉泉山下泉水潄而為湖

湖東

西二里南北三里蓋燕之舊池也淥水澄澹川庭望

遠亦為遊矚之勝所也湖水東流為洗馬溝側城南

東門注昔鉞期啟戰處也

啟戰傳作奮戰按後漢書鉞期傳云期從光武徇薊

時薊中起兵應王郎之檄光武趣駕出百姓聚觀滿道不得行期騎馬奮戰瞋目大呼衆皆披靡乃得去

其水又東入濕水濕水又東逕燕王陵南陵有伏道

西北出薊城中景明中造浮圖建利當作窮泉掘得

此道王府所禁莫有尋者通城西北大陵而是二基

趾盤固猶自高壯竟不知何王陵濕水又東南高梁

之水注焉水出薊城西北平地泉東注逕燕王陵北

又東逕薊城北又東南流魏氏土地記曰薊東一十

里有高粱之水者其水又東南入濕水也

又東至漁陽雍奴縣西

今為順天府武清縣

入筍溝

漢光武建武二年封潁川太守寇恂為雍奴侯魏遣張邵樂進圍雍奴即此城矣筍溝水之別名也魏氏土地記曰清泉河上承桑乾河東流與潞河合濕水東入漁陽所在枝分故俗諺云高粱無上源清泉無下尾蓋以高粱微涓淺薄裁足津通憑藉涓流方成川剛清泉至潞所在分流更為微津散漫難尋故也

水經注集釋訂訛卷十三

欽定四庫全書

水經注集釋訂訛卷十四

歸安沈炳巽撰

濕餘水

沽水

鮑丘水

濡水

遼水

小遼水

淇水

當作淇水後
經注皆訛

濕餘水出上谷居庸關東

明一統志濕餘河在今順天府昌平縣東南六十里源出

渾原山南又折而東入潞河居庸關在京師北一百二十里兩山夾峙一水旁流闊跨南北四十里懸崖峭壁

最為險要

關在沮陽城東南六十里居庸界故關名矣使者入

上谷耿況迎之于居庸關即是關也

朱箋袁宏漢紀更始初立遣使

者徇諸國曰先降者復爵位上谷太守耿況出迎使者上印綬

其水導源關山南流

歷故關下溪之東岍有石室三層其戶牖扇扉悉石

也蓋古關之候臺矣南則絕谷累石為關址崇墉峻

壁非輕功可舉山岫層深側道褊峽林藪蘧嶮

朱云當作

遠險吳本改作據險非是路才容軌曉禽暮獸寒鳴相和羈官遊

子聆之者莫不傷思矣其水歷山南逕軍都縣界又謂之軍都關續漢書曰尚書盧植隱上谷軍都山也其水南流出關謂之下口水流潛伏十許里是也

又東流過軍都縣南

今為順天府昌平縣其故城在縣東南

又東流過薊

縣北

濕餘水故瀆東逕軍都縣故城南又東重源潛發積而為潭謂之濕餘潭又東流易荆水注之其水導源西北逕千蓼泉亦曰丁蓼水東南流逕郁山西謂之

易荆水公孫瓚之敗於鮑丘也

後漢書注曰鮑丘水名

走保易

荆疑即此水也

朱箋按後漢書公孫瓚傳袁紹將麴義合兵十萬共攻瓚破瓚于鮑邱瓚

遂退保易京開置屯田稍得自支又按續漢志云瓚所居易京故城在今幽州歸義縣南十八里魏志瓚

傳亦云瓚軍數敗乃走還易京此云易荆正同但易字異耳今雄縣有易京城南臨易水當即此也

荆水又東左合虎眼泉水出平川東南流入易荆水

又東南與孤山之水合水發川左道源孤山東南流

入易荆水謂之塔界水又東逕薊城又東逕平昌縣

故城南

在今昌平縣西北二十里

又謂之昌平水魏氏土地記

曰薊城東北一百四十里有昌平城城西有昌平河

又東流注濕餘水濕餘水又東南流左合芹城水

朱云

宋本作芹城水注之
芹城在昌平縣界

水出北山南逕芹城水

水字疑當作南

北等

東南流注濕餘水濕餘水又東南流逕安樂故

城西

在今密雲縣
東北五十里

更始使謁者韓鴻北徇承制拜吳

漢為安樂令即此城也

又北屈東南至狐奴縣西入于沽河

狐奴城在今順天
府順義縣狐奴山

昔彭寵使狐奴令王梁南助光武起兵自是縣矣濕

餘水于縣西南東入沽河故地理志曰濕餘水自軍都縣東至潞南入沽是也

沽河從塞外來

沽河一名西潞水一名東潞水

沽水出禦夷鎮西北九十里丹花嶺下東南流大谷水注之水發鎮北大谷溪西南流逕獨石北界石孤生不因河而自峙又南九泉水注之水導北川左右翼注入川共成一水故有九源之稱其水南流至獨石注大谷水大谷水又南逕獨石西又南逕禦夷鎮

城西魏太和中置以捍北狄也又東南尖谷水注之
水源出鎮東北尖溪西南流逕鎮城東西南流注大
谷水亂流南注沽水又南出峽岸有二城世謂之獨
固門以其藉嶮憑固易為依据兼壁昇聳疎通若門
故得是名也沽水又南左合乾溪水引北川西南逕
一故亭東又西南注沽水沽水又西南逕赤城東

地志

云赤城乃古蚩尤所居之處今在直隸萬全衛

趙建武年并州刺史王霸為

燕所敗退保此城

查十六國春秋及晉書載記俱無并州刺史王霸并無為燕所敗退

保赤城之事 城在山阜之上下抗深隍溪水之名藉
豈二書失載

以變稱故河有赤地疑當作城之號矣沽水又東南與鵲

谷水合有二源南即陽樂水也出且居縣漢志且居縣有樂陽

水今云陽地理志曰水出縣東北漢志作水出縣東南入海流疑

樂恐誤字大融山小融山明一統志作大雄北歷女祁縣故

城南地理志曰東部都尉治王莽之祁縣也世謂之

橫水又謂之陽曲河又東南逕一故亭又東左與舊

鹵水合水之疑行出西北山東南流逕舊鹵城北城在

居庸縣西北二百里故名云候鹵太和中更名禦夷

鎮又東南流注陽樂水陽樂水又東南逕傍狼山南

傍字疑衍按明一統志昌平縣西北四十里有狼山疑即此也山石一作白色特上亭

亭孤立超出羣山之表又東南逕溫泉東泉在山曲

之中又逕赤城西屈逕其城南東南入赤城河河水

又東南右合高峯水水出高峯戍東南城在山上其

水西南流又屈而東南入沽水沽水又西南流出山

逕漁陽縣故城西在今密雲縣西南而南合七度水水出北

山黃頌谷故亦謂之黃頌水東南流注于沽水沽水

又南漁水注之水出縣東南平地泉流西逕漁陽縣

故城南考諸地說則無聞所識釋

上下疑有脫文訛字

考地尋

川則有應氏

亦疑有訛脫

自今城在斯水之陽有符文說

漁陽之名當屬此秦發閭左戍漁陽即是城也漁水

又西南入沽水又南與螺山之水合水出漁陽城南

小山魏氏土地記曰城南五里有螺山其水西南入

沽水沽水又南逕安樂縣故城東晉書地道記曰晉

封劉禪為公國俗謂之西潞水也

南過漁陽狐奴縣北西南與濕餘水合為沽河

沽水西南流逕狐奴山西又南逕狐奴縣故城西漁
陽太守張堪于縣開稻田教民植種百姓得以殷富
童謠歌曰桑無附枝麥秀兩岐張君為政樂不可支
視事八年匈奴不敢犯塞沽水又南陽重溝水注之
出狐奴山南轉逕狐奴城西王莽之所謂舉符也側
城南注右會沽水沽水又南濕餘水注之沽水又南

左會鮑丘水世所謂東潞也沽水又南逕潞縣為有潞名潞河也魏氏土地記曰城西三十里有潞河也又東南至雍奴縣西筭溝

濕水入焉俗謂之合口也又東鮑丘水于縣西北而

東出焉

明一統志鮑丘河源自禦夷鎮北塞南流逕九莊嶺五百餘里逕密雲城又南合道人溪

水至通州未莊村合沽水經三河縣界入洵河

又東至南泉州縣與清河合東入于海清河者派河尾

也

沽河又東南逕泉州縣故城東王莽之泉調也沽水
又東南合清河也今無水清湛漳洹澠易涑濡沽虜
池同歸于海故經曰派河尾也

鮑丘水從塞外來南過漁陽縣東

鮑丘水出禦夷北塞中南流逕九莊嶺東俗謂之大

榆河又南逕鎮東南九十里西

此句有訛脫

密雲戍西又

南左合道人溪水

在密雲縣東北石盤峪源發龍門流逕縣界入潮河

水北川

南流逕孔山西又歷密雲戍東左合孟廣峒水水出

峴下峴甚增峻峨峨冠衆山之表其水西逕孔山南
上有洞穴開明故土俗以孔山流稱峴水又西南至
密雲戍東西注道人水亂流西南逕密雲戍城南右
會大榆河有東密雲故是城言西矣大榆河又東南
流白楊泉水注之北發白楊溪望雖二字疑衍右注大榆
河又東南龍葛溪水自決注之大榆河又東南逕安
州舊漁陽郡之滑鹽縣南左合縣之北溪水水出
縣北廣長塹南太和中掘此以防北狄其水南流逕

滑鹽縣故城東王莽更名匡德也漢明帝改曰鹽田

右承治

治疑作沽水

世謂之斛鹽城西北去禦夷鎮二百

里南注鮑丘水又南逕虎縣故城東王莽更之曰敦

德也

漢志漁陽郡辟奚縣莽曰敦德別無所謂虎縣者孟康曰辟音題或作疏當是疏奚訛作虎縣

耳鮑丘水又西南逕獠平縣故城東王莽之所謂平

獠也又南合三城水水出四里山西逕平獠城謂之

三城水又逕香陘山上悉生橐本香世故名焉又西

逕石窟南窟內寬廣行者依焉窟內有水淵而不流

栖薄者取給焉又西北逕伏凌山南與石門水合水出伏凌山山高峻巖鄣寒深陰崖積雪凝冰夏結事同離騷峨峨之詠故世人因以名山也水西南流注之是水有桑谷之名蓋沿出桑溪故也又西南逕獮平城東南而右注鮑丘水鮑丘水東南逕漁陽郡治也秦始皇二十二年置王莽更名通路縣曰得得下漏漁字鮑丘水又西南流公孫瓚既害劉虞烏丸思劉氏之德迎其子和合衆十萬破瓚于是水之上斬首一

萬後漢書公孫瓚傳瓚既破禽劉虞盡有幽州之地

虞從事漁陽鮮于輔等合率州兵欲共報瓚烏桓

峭王感虞恩德率種人及鮮卑七千餘騎與輔南迎

虞子和與袁紹將麴義合兵十萬共攻瓚破瓚于鮑

丘斬首二

萬餘級 鮑丘水又西南歷狐奴城東又西南流注

之于沽河亂流而南

又南過潞縣西

今為直隸通州

鮑丘水入潞通得鮑丘之稱矣高粱水注之首受濕

水于戾陵堰水北有梁山山有燕刺王旦之陵故以

戾陵名堰水自堰枝分東逕梁山南又東北逕劉靖

碑北其去

朱云宋本
作其詞云

魏使持節都督河北道

道字疑
行分天

下為諸道始于唐
魏時無所謂道也

諸軍事征北將軍建城鄉侯沛國

劉靖字文恭

魏志劉馥傳馥子靖修廣戾渠陵大塢
水溉灌薊南北三更種稻邊民利之

登梁山以觀源流相際

何云際字是八分體或漏原
字又云疑作相隰水以度形

勢以度形勢嘉武安之通渠美秦民之殷富乃使帳

下督丁鴻軍士千人以嘉平二年立塢

朱箋洛陽記云
千金塢舊堰穀

水積石
為堰也

于水道高梁河造戾陵塢開車箱渠其塢表

云高梁河水者出自并州黃河之別源時長岸峻固

直截中流積石籠以為主埽高一丈東西長三十丈南

北廣七十餘步依北岸立水門門廣四丈立水

朱云水下漏埽

長二十丈山川

宋本作水

暴戾則乘埽東下平流守常則自

門北入灌田歲二千頃凡所封地百餘萬畝至景元三

年辛酉

按景元是曹魏陳留王奐年號但奐係庚辰元三年當是壬午今云辛酉誤

詔書以

民食轉廣陸廢不贍遣謁者樊晨更制水門限田千頃

刻地四千三百一十六頃出給郡縣改定田五千九百

三十頃水流乘車箱渠自薊西北逕昌平東盡漁陽潞

縣凡所潤舍

宋本作合

四五百里所灌田萬有餘頃高下

孔濟原隰底平疏之斯溉決之斯散導渠口以為濤

門灑流池以為甘澤施加于當時敷被于後世晉元

康四年君少子驍騎將軍平鄉侯弘受命使持節監

幽州諸軍事領護烏丸校尉寧朔將軍竭立積三十

六載至五年夏六月洪水暴出毀損四分之三乘

疑誤

北岸七十餘丈上渠車箱

疑當作車箱渠

所在漫溢追惟前

立竭之勲親臨山川指授規畧命司馬闕內侯逢暉

內外將士二千人起長岸立石渠修立埽治水門門

廣四丈立水

疑漏
埽字

五尺興復載利通塞之宜準遵舊

制凡用功四萬有餘焉諸部王侯不召而自至繼負

而

疑漏
趨字

事者蓋數千人詩載經始勿亟易稱民忘其

勞斯之謂乎于是二府文武之士感秦國思鄭渠之

績魏人置豹祀之義乃遐慕仁政追述成功元康五

年十月十一日刊石立表以紀勲烈并記埽制度永

為後式焉事見其碑辭又東南流薊縣北又東至潞

縣注于鮑丘之水又南逕潞縣故城西王莽之通潞
亭也漢光武遣吳漢耿弇等破銅馬五幡于潞東謂
是縣也屈而東南流逕潞城南世祖拜彭寵為漁陽
太守治此寵叛光武遣游擊將軍鄧隆伐之軍于是
水之南光武策其必敗果為寵所破遺壁故壘存焉
鮑丘水又東南入夏澤澤南紆曲渚一十餘里北佩
謙澤眇望無限也

謙澤當作諫澤
無限當作無限

又南至雍奴縣北屈東入于海

鮑丘水自雍奴縣故城西北舊分筍溝水東出合筍

溝斷衆川東注混同一瀆東逕其縣北又東與洵河

合

明一統志洵河自平谷縣界經三河縣北至寶坻縣境

水出右北平無終縣

今為順天府玉田縣

西山白楊谷西北流逕平谷縣

今屬順天府

屈

西南流獨樂水入焉水出北抱犢固南逕平谷縣故

城東後漢建武元年光武遣十二將追大槍五幡及

平谷大破之于是縣也

朱箋引袁宏漢紀曰光武遣吳漢率耿弇陳俊馬武等十

二將軍追戰于潞東及平谷大破之

其水南流入于洵洵水又東左合

盤山水水出山上其山峻嶮人迹罕交去山三十里

許望山上水可高二十餘里素湍皓然頽波歷溪沿

流而下自西北轉注于洵水洵水又東南逕平谷原本

漏縣故城平谷故城在今遼州北東南與洳河會明一統志洳河源自密雲

縣石餓山經三河縣東南平谷故城入洵河水出北山山在躡奚縣故城

東南東南流逕博陸故城北又屈逕其城東世謂之

平陸城非也漢武帝封璽書封大司馬霍光為侯國

漢書外戚恩澤侯表霍光于昭帝始元二年封今云武帝從光傳也文穎曰博大陸平

取其嘉名而無其縣食邑北海河東薛

按史表注
無薛字 瓚

曰按漁陽有博陸城謂此也今在居山之陽處平陸

之上匝帶川流面據四水文氏所謂無縣目

宋本
作有 嘉

美名也如水又東南流逕平谷縣故城西而東南流

注于渠

疑
衍

洵河洵河又南逕絛城東而南合五百溝

水水出七山

別本作
七山

北東逕平谷縣之絛城南東入

于洵河洵河又東南逕臨河城北屈而歷其城東側

城南出竹書紀年梁惠成王十六年齊師及燕戰于

洵水齊師遁即是水也洵水又南入鮑丘水又東合

泉州渠口故瀆上承宰池水于泉州縣故以泉州為

名北逕泉州縣東又北逕雍奴縣東西去雍奴故城

一百二十里自虜池北入其下歷水澤一百八十里

入鮑丘河謂之泉州口陳壽魏志曰曹太祖以躡當作

躡頓擾邊公將征之從洵口鑿渠逕雍奴泉州以通

河海者也魏志遼西單于蹋頓尤強數入為害公將征之鑿渠自滹沱入派水名平虜渠又從

洵河口鑿入潞河合疑作無水鮑丘水又東庾水注名泉州渠以通海今

之水出右北平徐無縣北塞中而南流歷徐無山

玉在

田縣東北二十里有田疇宅得黑牛谷水又得沙谷水並西出山

東流注庾水昔田子秦避難居之衆至五千家

魏志田疇

子秦右北平無終人也初為劉虞所辟及虞為公孫瓚所害遂率宗族他附從數百人掃地而盟曰君仇不報吾何可以立于世遂入徐無山中營深險平敞地而居躬耕以養父母百姓歸之數年間至五百餘

家開山圖曰山出不炭當作之木生火之石案注云

其木色黑似炭而無葉有石赤色如丹以一石相磨

則火發以然無火可以終身宋本作以然無灰今則

無之其水又逕徐無縣故城東王莽之北順亭魏氏

土地記曰右北平城東北一百一十里有徐無城其

水又西南與周盧溪水合水出徐無山東南流注庾

水庾

庾下當有水字

又西南流灑水注之水出右北平後靡

縣王莽之後靡也

漢志右北平郡後靡縣莽曰後靡今云後靡誤

東南流世

謂之車輦水又東南流與溫泉水合水出北山溪即

溫源也養疾者不能滌

與滌同

其炎漂以其過灼故魏

氏土地記曰徐無城東有溫湯即此也其水南流百

步便伏流入于地下水盛則通注灑水又東南逕石

門峽山之高嶄絕壁立洞開俗謂之石門口漢中平

四年漁陽張純反殺右北平太守劉政遼東太守陽

終中平五年遣中郎將孟益率公孫瓚討純戰于石

門大破之

後漢書靈帝紀中平四年漁陽人張純與同郡張舉舉兵叛攻殺右北平太守劉政

遼東太守陽終獲烏桓校尉公恭稠等舉自稱天子

寇幽冀二州四年九月遣中郎將孟益率騎都尉公孫瓚討漁陽賊張純等十一月公

孫瓚與張純戰于石門大破之灑水又東南流謂之北黃水又屈而為南黃水又西南逕無終山

在今玉田

縣西北三十里即帛仲理所合神丹處也又于是山作金五

千斤以救百姓山有陽翁伯玉田在縣西北有陽公

壇社即陽公之故居也搜神記曰雍伯雒陽人至性

篤孝父母終沒葬之于無終山山高八十里而上無

水雍伯置飲焉有人就飲與石一斗令種之玉生其

田北平徐氏有女雍伯求之要以白璧一雙媒者致

命伯至玉田求得五雙徐氏妻之遂即嫁嫁疑作家焉陽

氏譜叙言翁伯是周景王之孫食采陽樊春秋之末

爰宅無終因陽樊而易氏焉愛仁

宋本作人

博施天祚玉

田其碑文云居于縣北六十里翁同之山後路徙于
西山之下陽公又遷焉而受玉田之賜情不好寶玉
田自去今猶謂之為玉田陽干寶曰于種石處四角
作大石柱各一丈中央一頃之地名曰玉田至今相
傳云玉田之揭起于此矣而今不知所在同之譜叙
自去文矣藍水注之水出北山東屈而南流逕無終
縣故城東故城衍無終子國也春秋襄公十四年按

傳無終子云云是襄
四年今云十四年誤
無終子嘉父使孟樂如晉因魏

絳納虎豹之皮請和諸戎是也故燕地矣秦始皇二

十二年滅燕置右北平郡治此王莽之所謂北順也

漢世李廣為郡出遇伏石謂虎也射之沒羽此處矣

魏氏土地記曰右北平城西北百三十里有無終城

日知錄云水經注言右北平郡西北一百三十里有
無終城非也考右北平郡前漢治平剛後漢治土垠

酈氏所引魏土地記曰薊城東北三百里有右北平
城此後漢所治之土垠而平剛則在盧龍塞外三四

百里乃武帝時郡治李廣所守今之塞外其不在土
垠明矣今酈氏以土垠之右北平為李廣射石似誤

蓋太史公所述本無其地必欲指一卷之石以當之不已惑乎其水又南入灑水灑

水又西南入于庾水地理志曰灑水出俊靡縣南至無終東入庾水庾水世亦謂之為柘水也南逕燕山
上懸巖之側有石鼓去地百餘丈望若數百石因有
石梁貫之鼓之東南有石人援桴狀同擊執者舊言
燕山石鼓鳴則土有兵庾水又南逕北平城西而南
入鮑丘水謂之柘口鮑丘水又東逕右北平郡故城
南魏氏土地記曰薊城東北三百里有右北平城鮑

丘水又東巨梁水注之水出土垠縣北陳宮山西南

流逕觀雞山

在密雲縣東北一百八十里

謂之觀雞水水東有觀

雞寺寺內起大堂甚高廣可容千僧下悉結石為之

上加塗豎

豎當作堅書梓材云若作室家既勤垣墉唯其塗堅茨

基內疎通枝

經脉散基側室外四出爨火炎勢內流一堂盡温盖

以此土寒嚴霜氣肅猛出家沙門率皆貧薄施主慮

闕道業故崇斯構是以志道者多栖託焉其水又西

南流又

宋本作右

合區落水出縣北山東南流入巨梁水

巨梁水又西逕土垠縣故城西左會寒渡水水出縣

東北西南流至縣右注梁河梁河又南澗于水注之

水出東北山西南流逕土垠縣故城東

在今永平府西南西

南流入巨梁水又東南右合五里水水發北平城東

北五里山故世以五里名溝一名田繼泉西流南屈

逕北平城東東南流注巨梁河亂流入于鮑丘水巨

梁自是水之南極虜池西至泉州雍奴東極於海謂

之雍奴藪其澤野有九十九澗校流條右

當作枝流條谷往

往逕通非惟梁河鮑丘歸海者也

濡水從塞外來東南過遼西令支縣北

今為直隸永平府遷安縣

濡水出禦夷鎮東南其水二源雙引夾山西北流出

山合成一川又西北逕禦夷故城東鎮北百四十里

北流在道

何氏云道字疑

則連泉水注之出故城東西北流

逕故城南又西北逕涿水池南其水淵而不流其水

又西屈而北流又東逕故城北連結兩池沼謂之連

泉浦又東北注難河難河右則汗水入焉水出東塢

南西北流逕沙野南北人名之曰沙鎮東北二百三十里西北入難河濡難聲相近狄俗語訛耳濡水又北逕沙野西又北逕箕安山東屈而東北流逕沙野北東北流逕林山北水北有池潭而不流濡水又東北流逕孤山南

明一統志在山
海衛南六里

東北流呂泉水注之

水出呂泉塢西東南流屈而東逕塢南東北流三泉水注之其源三泉鴈次合為一水鎮東北四百里東南注呂泉水呂泉水又東逕孤山北又東北逆流水

注之水出東南導泉西流右屈而東北注木林山水會之水出山南東注逆水亂流東北注濡河濡河又東盤泉入馬水自西北東南流注濡河濡河又東南水流迴曲謂之曲河鎮東北三百里又東出峽入安州界東南流逕漁陽白檀縣故城地理志曰濡水出縣北蠻漢景帝詔李廣曰將軍其帥師東轅弭節白檀者也又東南流右與要水合

明一統志要水源自關外三川經密雲東

北入潮河水出塞外三川並導謂之大要水也東南流逕

要陽縣故城東本都尉治王莽更之曰要術矣要水
又東南流逕白檀縣而東南流入于濡濡水又東而
南索頭水注之水北流南逕廣陽僑郡西魏分右北
平置今安州治又南流注于濡濡水又東南流武列
水入焉其水三川泝合西源右為溪水亦曰西藏水
東南流出溪與蝮泉水合泉發州東十五里東流九
十里東注西藏水西藏水又西南流東藏水注之水
出東溪一曰東藏水西南流出谷與中藏水合水導

中溪南流出谷南注東藏水故目其川曰三藏川水
曰三藏水東藏水又南又入西藏水亂流右會龍泉
水水出東山下淵深不測其水西南流注于三藏水
三藏水又西南流與龍芻水合而出于龍芻之溪東
流入藏水又東南流逕列溪謂之武列水東南歷石
稭下在層巒之上有孤石雲舉臨崖危峻可高百餘
刃牧守所逕命選練之士彎弧矢無能屈其崇標者
其水東合流入濡濡水又東南五渡水注之水北出

安樂縣丁原山南流逕其縣故城西本三會城也其
水南入五渡塘于其川流紆曲溯涉者頻濟故川塘
取名矣又南流注于濡濡水又與高石水合水東出
安樂縣東山西流歷川衍三會城南西入五渡川下

注濡水濡水又東南逕盧龍塞

在今永平府

塞道自無終

縣東出渡濡水向林蘭陁東至清陁盧龍之嶮峻坂

縈折故有九崢之名矣燕景昭元璽二年遣將軍步

渾治盧龍其道

其道誤別本作塞道

焚山刊石令通方軌刻石

嶺上以記事功

按元璽乃前燕慕容儁偽號但十六國春秋及晉書載記俱無遣步渾治

盧龍事景昭乃慕容儁偽諡

其銘尚存而庾泉之注揚都賦

黃本作庾

泉固誤朱本改作景亦誤當作庾闡蓋仲初闡字也按晉書文苑傳庾闡字仲初潁川鄆陵人好學九歲

能屬文嘗作揚都賦為世所重據此則當作闡明矣注亦疑誤或當作著

言盧龍山在平

置城北殊為孟浪遠失事實余按盧龍東越清涇至

凡城二百許里自凡城東北出趣平置故城可百八

十里向黃龍則五百里故陳壽魏志田疇引軍出盧

龍塞斬山堙谷五百餘里逕白檀歷平置登白狼望

柳城平置在盧龍東北遠矣而仲初言在南非也濡

水又東南逕盧龍故城

盧龍縣今為永平府漢之肥如縣也

東漢建安

十二年魏武征蹋頓所築也濡水又南黃洛水注之

水北出盧龍山南流入于濡濡水又東南水名

水名誤宋

本作洛水又合馬疑當作潤水合馬

合馬水出盧龍塞西南流注濡水

又合屈而注得去潤水又會敖水二水並自盧龍西

注濡水又東南流逕令支縣故城東

在今永平府盧龍縣東

王

莽之民亭也

民亭誤漢志莽曰令氏亭

秦始皇二十二年分燕置

遼西郡令支縣馬

當作隸馬

魏氏土地記曰肥如城

今在盧龍

縣西十里有濡水南流注逕孤竹城西右合玄水也

謂之小濡水非也水出肥如東北玄溪西南流逕其

縣東東屈南轉西迴逕肥如縣故城南俗又謂肥如

水非也故城肥子國應劭曰晉滅肥子奔燕燕封

于此故曰肥如也漢高帝六年封蔡寅為侯國西南

流右會盧水水出縣東北沮溪南流謂之大沮水

今在

永平府城北有二渠一曰小沮水一曰大沮水下流相合入于灤河又南左合陽樂水

水出東北陽樂縣地理風俗記曰陽樂故燕也遼西郡治秦始皇二十二年置魏氏土地記曰海陽城西南有陽樂城其水又西南入于沮水謂之陽口沮水又西南小沮水注之水發冷溪世謂之冷池又南得溫泉水口注之出東北溫溪自溪西南流入于小沮水小沮水又南流與大沮水合而為盧水也桑欽說盧子之書言晉既滅肥遷其族于盧水盧水有二渠號小沮大沮合而入于玄水盧水又南與溫水合水

出肥如城北西流注于玄水地理志曰盧水又南入
玄水玄水又西南逕孤竹城北西入濡水故地理志
曰玄水東入濡蓋自東而注也地理志曰令支有孤
竹故城孤竹國也史記曰孤竹君之二子伯夷叔齊
讓國于此而餓死于首陽漢靈帝時遼西太守廉翻
夢人謂已曰余孤竹君之子伯夷之弟遼海漂吾棺
椁聞君仁善願見藏覆明日視之水上有浮棺矣
宋

本作

啣笑者皆無疾而死于是改葬之晉書地道志

曰遼西人見遼水有浮棺欲破之語曰我孤竹君也
汝破我何為因為立祠焉祠在山上城在山側肥如
縣南十二里水之會也

又東南過海陽縣西南入于海

濡水自孤竹城

在今永平府城西一十五里

東南逕主鄉北瓠溝

水注之出城東南東流注濡水濡水又逕牧城南分
為二水北水枝出世謂之小濡水也東逕樂安亭北
東南入海濡水東南流逕樂安亭南東與新河故瀆

合自雍奴縣承鮑丘水東出謂之鹽關口魏太祖征
蹋頓與洵口俱導也世謂新河矣陳壽魏志以通河

海也

魏志鑿渠
事見前

新河又東北絕庾水又東北出逕右

北平絕洵渠之水又東北逕昌城縣故城北王莽之

叔

漢志作
淑武

武也新河又東為二水枝瀆東南入海新

河自枝渠東出合封大水謂之交流合水出新平縣

西南流逕新平

按漢志遼西郡有新安
平此云新平疑漏安字

縣故城西地

理志遼西之屬縣也又東南流龍鮮水注之水出縣

西北世謂之馬頭山二源俱導南合一川東流注封大水地理志曰龍鮮水東入封大水者也亂流南會新河南入于海地理志曰封大水于海陽縣南入海新河又東出海陽縣與緩虛水會水出新平縣東北世謂之大籠山東南流逕令支城西西南流與新河合南流注于海地理志曰緩虛水與封大水皆南入海新河又東與素河會謂之白水口出令支縣之藍山南合新河又東南入海新河又東至九過口枝分

南注海新河又東逕海陽縣故城南漢高祖六年封

搖毋餘為侯國魏土地記曰今支城南六十里

在盧龍縣

東南有海陽城者也新河又東與清水會水出海陽縣

東南流逕海陽城東

在今永平府城南三十里

又南合新河又南

流一十許里西入九過口注海新河東絕清水又東

木究水出焉南入海新河又東左迤為孔陽狐淀名

宋本無名字

右絕新河南注海新河又東會于濡

漏水字濡

水又東南至系縣碣石山文穎曰碣石在遼西系縣

王莽之選武也。繫縣并屬臨渝。王莽更臨渝為憑德。

地理志曰：大碣石山在右北平驪成縣西南。

今為永平府撫

寧王莽更曰碣石也。

明一統志：碣石山在昌黎縣西北二十里。禹貢注云：碣石在北

平郡驪成縣西南河口之地。今平州之南也。酈道元言：驪成縣枕海有石如甬道，數十里。當山頂有大石如柱，韋昭以為碣石。舊在河口海濱，歷世既久，為水所漸淪，入海已去岸百餘里矣。今碣石在平州東離海三十里，遠望其山穹窿似冢，有石突出山頂，其形如柱，疑即禹貢之碣石也。

漢武帝亦常

登之以望巨海，而勒其石于此。今枕海有石如甬道，數十里，當山頂有大石如柱形，往往而見，立于巨海。

之中潮水大至

至下疑有脫文

及潮平波退不動不沒不知

深淺世名之天橋柱也狀若人造要亦非人力所就
韋昭亦指此以為碣石也三齊略記曰始皇于海中
作石橋海神為之豎柱始皇求與相見神曰我形醜
莫圖我形當與帝相見乃入海四十里見海神左右
莫動手工人潛以脚畫其狀神怒曰帝負約速去始
皇轉馬還前脚猶立後脚隨崩僅得登岸畫者溺死
于海衆山之石皆傾注今猶岌岌東趣疑即是也濡

水于此南入海而不逕海陽縣西也蓋經誤證耳又

按管子齊桓公二十年征孤竹來至卑耳之谿十里

闔然止矐然視援弓將射引而未發

管子作未至卑耳之谿十里闔

然止矐然視援弓將射

謂左右曰見前乎左右對曰不見公曰

寡人見長尺而人物具焉左右祛衣走馬

馬下當有疾字

前豈有人若此乎管仲對曰臣聞登山之神有俞兒長

尺人物具

管子作登山之神有俞兒者長尺而人物具焉

霸王之君興則登

山之神見且走馬前走

行導也左祛衣示前有水

下水

脫今字

右祛衣示從右方涉也至卑耳之溪有贊水者

從左方涉其深及冠右方涉其深至膝已涉大濟桓

公拜曰仲父之聖

管子聖下有至若字

此寡人之私

管子作抵

罪也

久矣今自孤竹南出則巨海矣而滄海之中山望多矣然卑耳之川若贊溪者亦不知所在也昔在漢世海水波襄吞食地廣當同碣石苞淪洪波也

大遼水出塞外衛白平山東南入塞過遼東襄平縣西

原本西字訛作注今從朱本改正
襄平縣今為盛京奉天府遼陽州

遼水亦言出砭石山自塞外東流直遼東之望平縣

西

在今盛京錦州府廣寧縣東北

王莽之長說也屈而西南流逕襄

平縣故城西秦始皇二十二年滅燕置遼東郡治此

漢高帝八年封紀通為侯國王莽之昌平也故平州

治又東逕遼隧縣故城西

今在奉天府海城縣西六十里

王莽更名

之曰順睦也公孫淵遣將軍畢衍拒司馬懿于遼隧

即是處也遼水又南歷縣

下有脫字

有小遼水其流注之

也

又東南過房縣西

地理志曰房故遼東之屬縣遼水又右會白狼水

出右北平白狼縣東南逕廣成縣北流西

流西二字疑倒

屈逕廣成縣故城南王莽之平寇也俗謂之廣都城

又西北石城川水注之水出西南石城山東流逕石

城縣故城南

在今永平府灤州西九十里

地理志曰右北平有石

城縣北屈逕白鹿山西即白狼山也魏書國志曰遼

西單于蹋頓尤強為袁氏所厚故袁尚歸之數入為

害公出盧龍塹山堙谷五百餘里未至柳城二百里

尚與蹋頓將數萬騎逆戰公登白狼山望柳城

在今永平

府西二十里

卒與寇遇乘其不整縱兵擊之寇衆大崩

魏志

作斬蹋頓胡漢降者二十萬口英雄記曰曹操于是

繫朱云當

馬鞍于馬上

朱本作山

作十片即于此也博物

志曰魏武于馬上逢獅子使格之殺傷甚衆王乃統

率常從健兒數百人擊之獅子哮呼奪越左右咸驚

王忽見一物從林中出如狸趨上王車輓上獅子將

至此獸便跳上獅子頭上獅子即伏不敢起於是遂殺之得獅子而還未至洛陽四十里洛陽雞狗皆無鳴吠者也其水又東北入廣成縣東注白狼水白狼水北逕白狼縣城東王莽更名伏狄白狼水又東方城川水注之水發川西南山下流北屈逕一故城西世謂之雀目城東屈逕方城北東入白狼水白狼水又東北逕昌黎縣故城西地理志曰交黎也東部都尉治王莽之禽寇也應劭曰今昌黎也高平川水注

之水出西北平川東流逕倭城北盖委也人從之

盖委

下六字
有說脫

又東南逕乳樓城北盖逕戎鄉邑兼夷稱之

又東南注白狼水白狼水又東北自魯水注之導西
北遠山東南注白狼水白狼水又東北逕龍山西燕
慕容皝以柳城之北龍山之南福地也使陽裕築龍
城改柳城為龍城縣十二年黑龍白龍見于龍山皝
親觀龍去二百步祭以太牢二龍交首嬉翔解角而
去皝悅大赦號新宮曰和龍宮立龍翔祠于山上白

狼水又北逕黃龍城東十三州志曰遼東屬國都尉治昌黎道有黃龍亭者也魏營州刺史治魏氏土地記曰黃龍城西南有白狼河東北流附城東北下即是也又東北濫真水出西北塞外東南歷重山東南入白狼水白狼水又東北出東流為二水右水疑即渝水也地理志曰渝水首受白狼水西南巡山逕一故城以為河連城疑是臨渝縣之故城王莽曰憑德者矣渝水南流東屈與一水會世名之曰檣倫水蓋

戎方之變名耳疑即地理志所謂侯水北入渝者也
十三州志曰侯水南入渝地理志言蓋自北而南也
又西南流注于渝渝水又東南逕一故城東俗曰女
羅城又南逕營丘城西營丘在齊而名之于遼燕之
間者蓋燕齊遼迴僑分所在其水東南入海地理志
曰渝水自塞南入海一水東北出塞為白狼水又東
南流至房縣注于遼魏氏土地記曰白狼水下入遼
也

又東過安市縣西南入于海

十三州志曰大遼水自塞西南至安市入于海

又玄兔高句麗縣有遼山小遼水所出西南至遼隧縣入于大遼水也

縣故高句麗相之國也漢武帝元封二年平右渠置玄兔郡于此王莽之下句麗水出遼山西南流逕遼陽縣與大梁水會水出北塞外西南流逕至遼水故地理志曰大梁水西南至遼陽入遼郡國志曰縣故

屬遼東後入玄兔其水西南流故謂之為梁水也小
遼水又西南逕襄平縣為淡淵晉永嘉三年涸小遼
水又逕襄平縣入大梁水司馬宣王之平遼東也斬
公孫淵于斯水之上者也

泚水出樂浪鏤方縣東南過于臨泚縣東入于海

樂浪郡今

為遼東外徼
朝鮮國界

許慎云泚水出鏤方東入海一曰出泚水縣十三州
志曰泚水縣在樂浪東北鏤方縣在郡東盖出其縣

而逕鏤方也昔燕人衛滿自涿水而至朝鮮朝鮮故箕子國也箕子教民以義田織信厚約以八法而下知禁遂成禮俗戰國時滿乃王之都王險城地方數十里至其孫右渠漢武帝元封二年遣樓船將軍楊

僕左將軍荀彘討右渠破渠于涿水遂滅之

史記朝鮮傳秦

滅燕以朝鮮屬遼東外徼漢興以其遠難守復修遼東改塞以涿水為界燕王盧綰反入匈奴燕人衛滿亡命聚黨千餘人東走出塞居秦故空地上下郵稍從屬真番朝鮮蠻及故燕齊亡命者王之都王險傳子至孫右渠所誘漢亡命人滋多元封二年漢使誘諭終不奉詔乃遣樓船將軍楊僕左將軍荀彘出遼

東討右渠不能下其相參使人殺右渠來降遂定朝鮮為四郡若涓水東流無渡涓之理其地今高句麗之國治余訪蕃使言城在涓水之陽其水西流逕故樂浪朝鮮縣即樂浪郡治漢武帝置而西北流故地理志曰涓水西至增池縣入海又漢興以朝鮮為遠循遼東故塞至涓水為界考之今古干事差謬蓋經悞證也

水經注集釋訂訛卷十四